

pschisch. Te pošlanže Hoorick, Lago a Curtopassi paš, kotrež tomu buženiu kšechu pschisluchasch, buchu na drose wot wojašow pschimete a k tomu kommandantu togo města wežoie, kotaryž jim pschikasa, we dwěma shtundoma to město spuschezišch. Pschi tom pschepowdaschu tych pašow žascho ten kommandant: „A dejali my kšesch sašej šlědk pschisch, ga bužoscho ned sasczelone hordowasch.“ Tužne mušachu woni togo kežora spuschezišch a hysch. We logora pschopachu woni hyschezi ras Diaza, aby won kšech wo to žyweie togo kežora dobre šlowo dasch, ale ten niz neslubi. Tam dostachu woni hyschezi „božeime“ wot Maksimiliana.

To buženie na 14. Juniu warnowascho až wjazor do jadnasczich. Ten koňž bėscho, až schykne tscho k šmierschi psches kulu sašuzone buchu.

Maksimilian hobchowa we schyknej šwojej negluze pokornu myšl. Gaž te druge še teschnachu a plakachu, ga troschetowascho won jich. Tež pschi tom šnatežyweiu šwojeje šmierschi nepschemeni še ta barwa jogo hobliža. Dwa dña psched šwojeju šmierschu pišascho won pschiduzh list na tog Awstriskeg pošlanža: „Luby baron Lago! Sa šom s tym šwětom wotrachnowal, mojo šlědne požedanie nastupa jano mojo šchělo, kotarež skoro humožone tudy wostano, a tych, kenž mē pschelabuju. Moj gojž, Dr. Basch, bužo mojo šchělo do Berakruza sporasch. Sano Grill a Lüdös, mojej šlužabnika, bužotej jogo pschewozišch. Sa šom pschikasa, aby mojo šchělo mimo pychoty a welikeg pschewožowaia do Berakruza dowjadli, a aby tež na tej loži, kotraž mojo šchělo do Europy dej pschewjascz, žedno šwěscheie še nęstalo. S mērom du ja k tej šmierschi, a mēr zu ja tež we rowe męsch. Wy bužoscho, luby baron, še wo to starasch, až Dr. Basch s tyma šlužabnikoma, kotrež mojo šchělo k šebe seju, na jadnej teju wojnskeju ložowu do Europy pschidu. Tam zu ja na tom bože mojeje bogeje žony hysch sakopany. Wy bužoscho teke tak dobre hysch a tu hudowu mojogo wěrnego towarischa Miramona šobu na tu lož sporasch aby wona tež do Europy pschischla; wona dej pschi mojej moterze we Wienie še dožywišch. Sa še Wam žekuju hyschezi ras sa wschyknu Waschu prozu a wostanu Wasch Wam pschichylonschi Maksimilian m. p. Queretaro, we popajženstwe de las Capuchinas, 17. Juni 1867.“